

GUILTS NE PQUIAA JUDAS

¹ Naa nac Judas, bets Santiagw; xtsiin Jesús quiayun naa.

Laa naa rxel guits rii lo to, grèse to ne nac to zha ne bredz Dios bzëëb xnëz me. Ne nligaa nquialadz me to, ni haxta quianap Jesús to.

² Dios glu ganle pa lotaa rquia zdoo me to, pa lotaa rlynie me to, ni pa lotaa noxco me to zeena peet tsienied guic to.

³ Bets, bzian, mine gocladz naa nzet naa nu ganle zha nactaa mine been Dios psilaa me ne lo xtol ne; per na rgobey naa nonguielraaw cso naa diidz lo to, ib gandzede to grë zha ne rtsidil mine rliladz ne. Dios bneedz diidz gocndion new, ne nac ne zha ne brieë lo dol bziaab ne xnëz me. ⁴ Sac gon, blalaa zha ne rquiaalo rliladz Dios, ngueets zhlian laa zho bzëëb lad to i. Miech yozha, niapse lo dol no zho, rnee zho zac gun ne ncuaane guiaabtaa guic ne, sac nquialadz Dios ne; ib rliladzd zho Jesús, Men ro, Men nroob ne rnabey ne. Padzeelale goquiet, ne grèse miech ne sca nac, lëëque lo xtol zho nitlo zho.

⁵ Golsoladz ganle zha bzhaac grë zha ne gocntseeb lo Dios padzeela. Niicle ne nanle tow, per laaw gzet naa lo to nu, zeena csoladz tow: Zeene psilaa Dios grèse menladz ne lo guielnë ne noded zho Egipt ga, zha ne brieëquia ib bnëd niunbey me, ib gondzed me zho, bnitlo me zho. ⁶ Scaque grë anjl ne biche lo me, psaan zho dziin ne pso me

zho; bdziguiend me zho, laa me nsioogyu zho tib lo guielcowdoo, ga quiadoo zho haxta gdziñ dze ne laa me guñ guielwxtis. ⁷ Rsoladz to ganle zha goc guiedz Sodom, guiedz Gomorr, ni grëraa guiedz las ne bre gax ga. Grë miech ne bio grë guiedz co, laa zho güeynal mine nacdraa guieltsieel, tel chotaa pquiangob zho, bionie zho haxta grë mrazh; grëse zho, lo gui ga bnitlo zho. Ga rlu ganle, grëse zha ne csaand xquielntseeb, no tib lo guidox ne gdziñd dze guiuu, ni ga nitlo zho. ⁸ Ni zha ne gon blanso lo to i, scadaa run zho; sac tel zha, niapse guielyozh zienal zho, laa zho nosanbeed xcuerp zho, ib rond zho mine rnee zha ne rnabey, haxta rdzibdee zho grë men non ne no gbaa. ⁹ Per ni anjl Miguel, anjl rnabey ne bdilnie mendox zeene güeyla me xcuerp Moisés, ib beend me ndziibdee me mendox; lëe gdib rëb me: “¡Dios nac men ne guñquizeh luu mine run luu i!” ¹⁰ Laa grë zha qui, haxta grë ncuaane run Dios, ncuaane ni rioguicd zho zha nac, laa zho rdzibdeew; masaque mban zho zigne mban grë ma, laa zho run ncuaane rdeedtaa guxt xcuerp zho; lëeque zha nonitlo zho ga. ¹¹ ¡Probsaxe zho! Sac gon, nëz ne zey Caín ga zienal zho. Lo guielblë dimi, laa zho brieenëz Dios zigne brieen Balam; ni zigne gut Coré zeene gocntseeb me lo Moisés, scaque nitlo zho.

¹² Zeene riaad zho lo guielwagw ne run to, loxaque rzhidznie zho, loxaque runnguzee zho, rzob zho rlozhd gowcho zho, zieniedraa guic zho dien chora no gow; ni lalnu guielto guien lo zho. Nëzrii nëzrec quianzë zho, masaque nac zho zig nac xcow ne ziaadnied nisguie, loxaque nëzrii nëzrec rienie mew; zig nac tib yag bgool ne guien

nex lo, leṅ dze ne no yquia nex low. Laa zho bñitlole ga, masaque nac zho zig tib yag bidz ne bliaadzle dib lo; sac tel yag bidza, gdziṅdraa dze ne yguiaw. ¹³ Zigne nēzrii nēzrec rchooṅ nisdoo grē mtsiṅ beed ne ndziib low, scadaa nēzrii nēzrec nolu grē ncuaane mbeeguielto ne quiayun zho. Laa zho ziele nēz lo guielcowdoo ne rieguial zho, zaatne gdziṅdraa dze grieē zho; zig tib mel gbaa ne bñitnēzle, laa ma nonziaabse lo guielcow.

¹⁴ Lēēle zha qui ga bzeet Enoc (men ne brieequia lo dii ne rac xoop xtii Adán), zeēne psiaab Dios guic me, rēb me: “Golwi ganle laa Dios ziaad, pe zhidaa grē anjṅ ne ziaadnie me, ¹⁵ ziaadgun me guielwxtis. Grēse miech ntseeb, laa me gunquizh zho grētaa dol ne been zho, grētaa diidz dox ne brieē ro zho bneenē zho me.” ¹⁶ Ni nligaa sca nac grē zha qui, ib nod ncuaane tso zho conform, tibaque wlisqui no zho; laa zho zienal grētaa guielyozh, ncuaane racladztaa xcuerp zho. Rto zho guieldzin, rlozhd dieen pa rac zho, rio zho pe diidz wen ne rnee zho lo miech, loxaque ne dien zha yquidie zho miech, gun zho miṅe racladz zho.

Laa naa rso diidz lo to

¹⁷ Saṅgue to bets, bzian, golsoladz miṅe bnee grē zha ne pxeel Jesús bnee Xtiidz me, zeēne biadseed zho to; ¹⁸ led znu rnee zho: “Zeēne zhile gdziṅ dze ne laa guidzliu rii nitlo, zrieequia grē miech ntseeb ne gzhidznie zhiwseed Jesús, laa zho gban zigne nactaa grē zhgab yozh ne guiab guic zho.” ¹⁹ Ni nligaa ran to niina ganle sca quiayaca, lēē grē zha co i squi nogodil grē zha ne no xnēz Jesús. Nacnied zho Espíritu Sant, gane niapse grē

ncuaane dol ne racladz xcuerp zho, min co run zho.

²⁰ Bets, bzian, golguien sca tibaque dziits golso lo Xtiidz Dios mine riladz to. Golzodiidznie Dios, zigne csiaab Espiritu Sant zdoo to. ²¹ Sozite to lo Dios, golguien ganle zha rleynietaa me to; golquiambèz dzian ne gal dze ne yгаа ne guielmban ne gdziṇd dze lozh, mine ndionpaa ne gneedz Jesús men ne rnabey ne, porne rquia zdoo me ne.

²² Tel cho zha ne racchop guic lo Xtiidz Dios, golnee lo zho biire sodziits zho stib. ²³ Zha ne bii no lo dol, golnee lo zho guien zho csaan zhow; golcuee zho lo gui ne noxtseeb zho yгаа zho ga; scagaa grëraa miech, golquia zdoo zho, per ib cxende to lo zho. Ni lalnu gdziguiende to grë dol ne run zho, golsaca zig rzac to tib ncuaane rbixnë zdoo to ran to.

²⁴⁻²⁵ Tibaque Dios no, me psilaa ne lo dol, ni megaa csilaa grëraa miech. Men nroob nac me, ni zrieelo gacniē me to guiabde to ladznia dol stib; zeena ine mbe to, ine rley to laa me gdziṇnie to zaatne nac lo guielndzondoo ne no me. Niina ne laa ne rdziuunbeyle Jesús, zrieelo dzioolnie ne me, mese nac men nroob, men ndzon, men ne rap guielrnabey. Tibaque nac me, niicle mazd glow, niicle niinaw, ni gdziṇd dze ne gdzë me.

Judas

**Diidz ne rdeed guielmban
New Testament in Zapotec, Mixtepec
(MX:zpm:Zapotec, Mixtepec)**

copyright © 1998 Wycliffe Bible Translators, Inc.

Language: Mixtepec Zapotec (Zapotec, Mixtepec)

Translation by: Wycliffe Bible Translators, Inc.

Zapoteco, Mixtepec [zpm], Mexico

Copyright Information

© 1998, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Zapotec, Mixtepec

© 1998, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

PDF generated using Haiola and XeLaTeX on 11 Nov 2022 from source files
dated 29 Jan 2022

5317ca58-7555-5e4c-a420-e1e9210e2df2